

Spiezersong – zäme ungerwägs

(Text und Musik: Kurt Berger)

Wo Trübu läse u zäme chäse
Lieder singe, d Musig lö la klinge
Am Spiezbürg spaziere, philosophiere
Si zäme ungerwägs

Tüe zäme pfluuse u innig schmuuse
Debattiere u Lösige kreiere
Tüe zäme stah u zäme ha
Si zäme ungerwägs

Füüf Dörfer oder Bürte, eifach e chliini Stadt

Zwüsche Thun u Interlake, vom Gütital bis Gwatt

Ligt die schönschti Bucht vo Öiropa, mitem Niese hingedra

Läbe drizähtuusig Seele, wo die Gemeind tüe zäme ha

Sie tüe zäme bätte u täglech tschätte
Gä enganger d'Hang, luege zunenang
Usem Läbe brichte vo tuusig Geschichte
Si zäme ungerwägs

Sie tüe ds Läbe gniesse u Träne vergiesse
Härzhaft lache u Chüeche bache
Tüe Hüser boue un enang vertraue
Si zäme ungerwägs

Füüf Dörfer oder Bürte, eifach e chliini Stadt

Zwüsche Thun u Interlake, vom Gütital bis Gwatt

Ligt die schönschti Bucht vo Öiropa, mitem Niese hingedra

Läbe drizähtuusig Seele, wo die Gemeind tüe zäme ha